

皇明經世文編

皇明經世文編卷之一百八

華亭

陳子龍臥子 宋徵璧尚木

選輯

徐孚遠闇公

李 雯舒章

郁汝持子衡參閱

叢司空奏疏

疏

論漕運積債之害

漕運

叢 蘭

江西把總王佐奏切照缺軍盜糧之害多因積債所至積債數多則旗軍月糧行糧不穀分償債主經手

官旗畏債主逼討。膽小者則不敢赴京交糧而拋棄船隻。逃回。膽大者盜賣正糧償還債主。又且乘機作弊。所以致害至此。然積債之由。其目有五。或因漂流。磕沉船糧。不得勘報開豁。借債買糧陪補一也。或因原兌糧米濕潤。經過三伏。腐爛虧折。借債買糧陪補二也。或因使用不足。收受斛回重大。以致掛欠籌斛。借債買糧陪補三也。或因天雨泥濘。車驢脚貴。輕齎不足。借債陪補四也。或因不才運官。管幹已事。假以雇脚買糧。爲由。誣借債負。遺累衛所償還五也。五害

不除借債積數多。則官軍逃亡。盜賣糧米。乃理之必然者也。矧今積債已甚。所以官軍逃亡。盜賣糧米。遺累見在運官。或自縊身死。如袁州衛百戶王宗是也。或削髮脫身。如東昌衛指揮王鏞是也。人情至此。誠可流涕。若不權宜區處。設法改揀。將來運政。臣不敢言。查得弘治年間。該漕運衙門會奏。亦因運軍疲憊。每糧一石外加耗米五升。運軍少甦。卽今疲憊已甚。有非加耗米所能救者也。臣嘗觀古之漕運。唐稱劉晏。宋稱李沆。劉晏之法。以鹽雇傭。李沆運船。令載鹽。

上下俱有私利

鹽法漕運相爲去乘則

回所以稱善也。今日漕政積債遺害至此。再無別項銀兩接濟。令無乞。敕廷臣從長計議。行移漕運衙門。查照在冊。該還債負。并欠債官旗船數造冊具奏。戶部准令欠債船隻。照依官價上納。長蘆運司鹽引各一百引。於空船回時。順帶取便變賣償債。其上納鹽本。責令各債主自出上納。暫借一行。以了積債。如此則軍民無陪債加賦之苦。債主免坑陷資本之怨。其運軍行糧月糧。各得以養家口。而運政自然清楚矣。等因。查得成化二十一年間。該巡按監察御史謝

文等題奏 准通行欽遵外。迄今年久因循廢弛。矧今漕運狼狽軍士困苦。又非先年之可比者。臣請以其故爲我 陛下條陳之。且在運所償之物。軍士在家有月糧也。一家老稚藉此爲生。近因各處災免數多。及有司官員緩於催徵。恒有八九箇月。或二三十箇月。甚至五六十箇月。不得關支者。軍士經年在外。無由生理。遺下父母妻子。啼饑號寒。中間凍餓而死者。不知幾何。間得一月在家。逼取還債。人情何堪。此無從議處者。一也。軍士在外。有行糧也。自水次以至

京師計其往還。近者五六箇月。遠者八九箇月。所支米麥。多則三石。少則二石。食用已不得敷。况每軍十人。領船一隻。暑雨晝夜。無人更代。內有負累逃亡者。仍又賴此顧人牽挽。中間忍饑輸力者。不知幾何。若此物奪取。還債人情。何堪此。無從議處者二也。軍士交兌。有輕齎也。戶部議單。正米之外。尚有本色折色。加耗。本色所以備上倉。明加耗米。及盤剝拋撒等項之數。折色所以備顧不及進倉使用。并買蓆板等項之數。近來車腳大貴。使用頗增。萬口一嗣。悉稱不敷。

正德十年戶科戶部有見于茲各有建白添差本部  
郎中并漕司把總官各一員領敕處分以平之車戶  
腳價愈增而其事遂寢矣迄今識者追思徒興感歎  
自茲以後誰能抑之漕卒之類尚可忍言今若又將  
此物奪而還債人情何堪此無從議處者三也交兌  
之際有補潤也各省軍民交兌或因天時陰雨日久  
或因水鄉地方窄狹無從晒揚恐悞期限議加數升  
以補虧折之數或因而在船蒸傷太甚或因而到倉  
晒揚太重或以易換蓬篙索纜之需得少費多以致



往往掛籌。今若又將此物取以還債。人情何堪。此無從議處者四也。官軍北行有鈔貫也。指揮八錠。千戶衛鎮撫各六錠。百戶所鎮撫各五錠。旗軍各四錠。比先年間鈔貫值錢。儘穀買辦柴薪蔬鹽之用。卽今一歲所得不穀一飽之需。總若奪而還債。能還幾何。此無從議處者五也。五者之外。再無分毫。所據加米一節。先年屢嘗行之。雖宿債之多。不足以盡償。一時之急。可以少濟。揆之事體。此亦相應。如蒙乞 敕戶部計議。合無申明御史謝文等奏行事例。行移本部監

督委官、公同巡倉御史、督同各該把總官員、候今歲各衛所完糧之日、就將欠債旗軍、一一審查根究。所借因何使用、果係糧米虧折、輕齎短少。迹已明著、事非由私、勢不容已。決然該借者、准其在運償還、不分債負遠近。止許加利三分。若有已還原本、并三分之利、改約再增者、卽便停止原券、對衆燒燬。敢有隱匿不行、盡數報官、私下議還、仍蹈故轍者、許運官赴法司、或漕運衙門陳告、將經該官旗問罪革退原債、令其自還。若係總督提督等官、指以京中人事分派科

欽或因把總衛總等官營幹私事假公侵漁以致累  
倩就便指實叅奏以從重譴以後每年運糧畢日並  
聽各官照前清查著爲定例

預防邊患事

防邊

叢 蘭

竊照紫荆倒馬龍泉三關內護京畿外隣邊塞俱爲  
重地而紫荆關逼近大同宣府尤爲緊要臣初到本  
關之時出城閱視形勝看得本關北門外大河一道  
濶二十七八餘丈名曰拒馬自山西廣蜀而來經浮  
圖峪城西北及本關北門出乾河口入腹裏易州涑

水縣地方北河。北岸地名石嶺。直抵北山。三里有餘。內有大路數條。可通奇河峯東峪官座等口。亦至易州涑水縣地方。夫水陸之道。俱不經由本關。徑由腹裏。雖有此關。其如無有何異。又况此地平漫高亢。賊若據此。俯視本關。城內虛實。強弱一覽無遺。爲兵家所忌。訪得正統十四年。虜賊犯順。彼時本關守臣阮太監。孫都御史。韓指揮等官。俱被害。見有祠堂在於前地。及真定等處。地方蹂躪剽掠。其慘尤甚。究其所。以皆由此入。至今人言。無不寒慄。臣遵照 救內事。

理嚴督守備等官設法整理查得弘治十二年間以  
巡撫保定六府兼提督紫荆等關右副都御史高銓  
勘得本關河北岸前項地方相應添設堡城一座堡  
城後至北山添稍墻一道已經具題該兵部題奉

欽依行令覆勘節該巡撫經畧官及內外守備把總  
千百戶有識年老軍人各詣前地相勘相應添設等  
因回奏又經該部覆題 欽准修築今已四五餘年  
未曾整理臣恐事有不測難以防禦隨委本關守備  
官杜雄督併官軍舍餘照依先年原計丈尺已於八

月十二日，興工修築外，但河流處所，空缺數多。人馬猶可通行。晝夜思維，計無所出。又行督同守備等官，議得新堡舊城近河，又添接城垣一道，臨岸擇取水不能犯處所，各立敵臺一座，上起敵樓三間，兩面對持。每臺并樓上，可容百餘人。滾木壘石等項器具，堆積於內，中流處所，又添連環大木柵二層，兩頭俱用木椿砌入石牆中間，止露鐵環。木柵木椿牽連一處水泛之時，卸於阜高去處。水小之時，仍舊布列於內。萬一賊虜衝突，我軍據此敵臺，矢石竝下，兩相夾擊。

中有連環木柵。水不得以衝決。馬不得以馳驟。庶幾可保無虞。及照本關迤西七十里浮圖峪口。又爲北關喉咽之地。其城西北亦被此河畧破。其險無可攔截。胡馬先年巡撫官曾費數萬銀兩。騎河橫砌石橋一座。上起橋樓三間。儘可保障。但山水暴發。奔潰洶湧。推石拔木。俱擁於此。以故朝焉告成。暮卽蕩然。後又有經畧官亦用大松栢等木。乃於中流橫立木層樁十層。每層四五十根。每根要鐵釘數十餘條。亦可保障。不久乃被此水衝去。至今突缺。無法可處。數年

凡係水衝刺地皆可用此法。限于截水。師爲

以來。便陸。學則。仰伏。

天威更的地宜也邊塵不起。

所以無虞萬一此輩規

知突然而來不知何以禦之。臣督同守備官王京委官知縣吳堂再四相視。今次若再照前立橋立樁徒費工力終不能久。亦照紫荊關規模仍於東河岸擇取高處添設敵臺一座。上起樓臺三間。臺後設築城垣一道。兩面俱用埽口接連舊城河西逼近西山。就將山麓鑿平。亦立敵臺一座。上起敵樓三間。下半截剗石爲梯。先是亦各堆積疊石。滾木等物在上。中流亦列連環木柵二層。一遇有警。分令我軍該東岸者。



自○本○城○內○入○新○城○而○登○東○樓○該○西○岸○者○先○登○樓○內○抽  
梯○於○上○各○用○矢○石○滾○木○等○物○以○高○臨○下○互○相○夾○擊○虜  
賊○雖○衆○自○何○而○入○本○處○官○軍○人○等○無○不○以○爲○經○久○有  
益○以○此○各○處○隘○口○但○係○遞○年○水○衝○城○不○可○恃○去○處○亦  
多○類○此○仍○於○城○垣○兩○頭○擇○取○我○軍○可○登○彼○不○能○到○路  
必○經○由○其○下○高○險○地○方○添○築○敵○臺○等○項○今○臣○自○龍○泉  
關○覆○閱○至○此○前○項○工○程○十○有○七○八○可○完○除○通○行○完○日  
另○具○丈○尺○數○目○備○細○造○冊○奏○報○

清查延綏條議

延綏

叢蘭

一榆林官軍前所獲功次已經勘驗人皆翹首希賞  
今又遣都給事中段豸覆勘人多不安況今邊方多  
警正懸賞待功之時乞早爲陞賞一陝西文武官員  
罰米賠糧者監禁親屬質鬻產業尚不能完今地方  
有變請亟除免一重賞之下必有勇夫今各路戰守  
官軍食且不給何以作其銳氣乎請發銀十餘萬遣  
科道給賞則踴躍爭用命矣一往歲達虜入寇沿邊  
地土多未耕種人皆缺食自救不贍而乃催徵糧草  
急如星火是迫之逃竄也宜將正德三年以前者暫

且停免一武舉中式者。分配陝西各鎮。隨伍操備。今  
孤處邊方。已逾二年。衣食不給。又多有都指揮等官  
一旦與軍爲伍。豪傑喪氣。有病死者。請照原中等第  
推用。一黃河渡船。盡爲反賊所掠。官軍豈能飛渡。今  
都指揮保勣。潛令泅者復奪。爲我有請。併其軍士。速  
加陞賞。以勵有功。一舊制在外官員。每三歲考察。人  
有固志。愛惜名節。今三歲之內。考察者已三四次矣。  
妻子之往還。道路之供費。自非有定守者。孰不變易。  
初志。本欲止人之貪。而反誘人以貪。此爲法之弊也。

今後請仍照舊制一各營堡每歲會計糧草不詢地  
里緩急多寡止按舊額坐派以致應多者愈少應少  
者愈多如榆林東路黃甫川所積草有十七八萬清  
水營有四十餘萬又邊牆完固非虜所必犯自弘治  
十五年至今尚未放支西路定邊營草止一萬八千  
清平堡止二萬九千而虜常出沒客兵留駐歲常告  
乏其他營堡大率類此今事勢危迫請多發官帑仍  
令管糧官斟酌多寡通融坐派一近年文武官有因  
事充軍爲民流竄遠方禁錮牢獄抄沒產業者皆由

尚刑衙門妄引新例，鍛練成獄，以致無所控訴。今寧夏反賊，藉此爲辭，搖動人心，莫甚於此。宜亟改正。今後止遵律例，問擬庶人皆自安。反賊師出無名矣。一近來校尉遍行邊塞，官吏軍民禍福在其掌握。凡所經歷，聲勢熏灼。鎮守重臣出郊迎接，延之上坐，其中情弊難以枚舉。况所來之人未必皆真所訪之事，未必皆實。往來絡繹，人不自保。自今大小事情，乞照舊委之鎮巡校尉，可不必遣庶邊方寧靖，人不疑懼。

皇明經世文編卷之終

皇明經世文編卷之一百九

陳子龍臥子 宋徵璧尚木

萃亭

選輯

徐孚遠闇公 夏允彝璠公

單 恂質生參閱

王晉溪本兵敷奏

王 瓊

京畿類序

京畿

宋史云燕山之地。易州西北。乃

金坡關昌平之西。乃居庸關順州之北。乃古北關  
景州之北。乃松亭關平州之東。乃榆關。榆關之東。  
乃金人來路。凡此數關。天限番漢。得之則燕境可。

保。然關內之地平濼營二州。自後唐爲契丹阿保

機所陷。以營濼隸平爲平州路。得燕而不得平州。

宋○人○得○燕○而○不○守○

關內之地番漢雜處而燕爲難保矣。今紫荆關即

以○山○後○諸○州○不○全○人○中○固○故○也○

宋金坡關。山海關即宋榆關。古北居庸俱仍舊。而

松亭關未攷。自永樂初遷都于燕。是爲北京。不惟

全有關內之地。而東盡醫無閭之境。北出上谷。西

北至雲中。皆爲中國巨鎮。聚兵戍守。又歲漕東南

燕○京○形○勝○實○足○

粟數百萬石於京師。食足兵強。自昔以來未有盛

韓○子○歷○代○

於今日者也。然正統己巳。胡騎忽薄都城。正德辛

未羣盜縱橫近郊。自後車駕巡幸南北。兵革繁興。供輸勞費。人情洶洶不安。其爲京畿防邊禦盜之術。豈不尤難矣乎。爲陳膚見以裨時政事。

爲修舉近郊武備事

近郊武備

臣等議得京師東西關隘原已設有總兵叅將守備等官。又有都御史臧鳳李瓚專一整飭。近又遣都督傅凱張椿都指揮李琮分路防守。頗爲有備。但郊畿近地。雖係臧鳳李瓚兼領巡撫。見今各官專在沿邊關口。往來巡歷。顧理不周。今年七月十三日虜賊七



萬餘騎離宣府城不遠割營縱賊四散搶殺白羊口并西山齋堂等處去京不及一日之程俱報聲息可見黠虜有輕視邊鎮之意近聞虜營尚在近邊住牧未見遠退秋高馬肥大舉深入難保必無近郊武備急宜修舉合無本部會官推舉在京堂上素有才望着實幹事官請簡命二員一員前去保定真定順

原設官

德大名廣平五府一員就在順天并去永平河間二

以擇其外新添官以守備其內

府專一整飭兵備嚴督所在分守守備兵備府衛等官除臧鳳李瓚所管在關人馬防守民壯并保定參

將盧英所領官軍及盧鏜等見選達官軍仍聽臧鳳

等管束調用不必干預外其各衛所官軍舍餘并各

府州縣原有民兵及平素應充快手等項驍勇人役

悉聽選委謀勇官員用心揀選如法操練若府衛州

縣掌印官內有地方有司任事較易才堪兼領武事者就令不妨原職兼

管選練事尤易舉其官軍舍餘并民兵已經精選造

定文冊仍令各在原衛所府州縣操守遇警刻期調

集方爲省便若通州一帶各馬房地方密邇古北口

等處邊關真定邊山州縣密邇龍泉關等處邊關應

該相視要害屯聚官軍民兵以防不測。就便從長計議調集防守。中間置買什物供給口糧等項本部所擬該載不盡。一應事宜悉聽本官便宜施行。應具奏者仍須奏請定奪。前項軍餘民兵雖爲專一防禦虜寇。若遇地方盜賊竊發乘機作亂。就便緝捕撫安干碍城池亦聽督修完固。凡有合行事宜務須慎重詳審。旣在武備着實修舉。又須處置得宜。民無擾害。斯稱委任。如或鹵莽從事致有乖方。顧此失彼。逼民逃移。咎有所歸。事寧具奏回京。正德十一年七月二十

二日具題 得旨俱依議行

爲議處土賊以靖畿甸事

畿甸  
土賊

看得巡撫順天等府都御史張潤奏 巡歷地方見

得渾河以東往復六百餘里中間村鎮盜賊蟠據殊

爲巢穴新漢軍民雜居控制之所爲不易蓋由漢達雜處軍屯鱗列所以盜賊易起難

安欲於前項地方適中去處建立衙門摘撥通州涿

州精兵分番按伏所屬巡檢司量行那移選委文臣

一人居中節制一節查得本部原擬行巡撫官督捕

盜賊別有長策火速具奏今都御史張潤議奏前因

緣在京七十餘衛屯田。俱坐落武清東安等處地方。雖有縣官在彼。其屯田軍餘不屬管轄。以此難於禁制。今要於適中去處。建設衙門。調撥通州涿州等衛官軍前去按伏。選委文臣一人常川管理。誠爲有見。但調撥別衛官軍去彼。誠恐勞擾人情不順。及添設文臣。有礙官制。俱擅難議擬。查得前項本部原委燕山左衛指揮僉事王瑾在屯巡捕。事有成效。人心歸服。已經奏奉欽依見管巡捕。但該用應捕人役。未經處置。及稽察屯堡強盜方法。亦未定立。又因王瑾

即屯田官役情察庶屯務可與人情亦無

與各衛管屯指揮職分相等難於行幸以此不能展  
布合無本部移咨都御史張潤行令原委捕盜通判  
駱用卿親詣渾河以東地方會同巡捕指揮王瑾從  
長勘議就於相應屯堡設立公館一所在彼住劄仍  
查勘各衛屯大小并坐落遠近各編立火甲互相管  
束就於各屯軍餘內點選精壯餘丁充爲應捕合用  
馬匹器械或聽其自行備辦或別爲處置俱從宜議  
處具呈巡撫都御史張潤查照定奪務在人情順便  
事體停當方准施行其指揮王瑾許令以都指揮體



統行事、各衛管屯官旗人等、俱聽管束、候命下之日、本部備將捕盜責任、劄付本官遵依行事、

薊州類序

薊州

京師東至薊州、又東至山海關

其地北面山川險阨、綿亘千餘里、即古營平之地、

國家於薊北設鎮、以控制外夷、又於境外建朶顏

泰寧福餘三衛、以示羈縻、爲中國藩籬、三衛夷人

每歲入貢、處待有常規、不可因其挾求、賞踰常格、

而啓輕侮之心、若入境寇掠、備禦亦有常法、不可

輕議增兵、而使百姓困於輸輓、此守薊鎮之道也、

爲緊急邊情事

邊情

再照朶顏福餘泰寧三衛夷人自我太宗文皇帝

安插在彼授官降印畜爲藩籬百餘年來堅守臣節

未聞悖逆自去歲以來奸夷造爲小王子結親之說

此所謂挾虜要賞也

敢爲要求之計守臣輕信張大其事遂致本夷肆志

先要我以添貢朝廷俯念夷情艱難暫從其請曾

令大通事諭以禍福令其效爾祖父永守臣節毋起

反心若倚北虜和親要求無厭必調大兵痛加剿殺

掃除巢穴不許住牧又曾俟其來朝令禮兵二部堂



夷人要求通商恒通之

上官督同大通事於禮部明白宣諭。後該朶顏衛都督花當奏要與本衛所鎮撫失林孛羅不必赴京。就彼承襲祖職。右都督職事。守臣又曲爲奏請。准寫

勅一道。交與薊州鎮巡官親付失林孛羅收領。今年二月。禮部手本開稱譯出朶顏衛都督頭目花當奏稱。迤北達子伊並不知東西二處。達子已省諭了。並不作反。今巡撫都御史王倬奏稱。射叟叅將陳乾等係花當男把兒孫等帶領。達賊拆牆入境。顯是花當等外示效順。中懷悖逆。以要求爲得計。以犯邊爲長

策都指揮陳乾之歿。輕率寡謀，神宜其自取。但奉 勅

將官殞命於臣服小夷，虧損甚大。况事當謹微，漸不可長。若復因循姑息，置之不問，誠恐 祖宗御夷法度自此陵替。且以後三衛夷人難以處待，合無請

勅薊州鎮巡官從長計議，選差通事，并有智識官員前去近邊地方拘喚花當等責問。朝廷旣節次施

恩，撫待汝夷，因何面是背非。陰縱爾子把兒孫領人

馬到馬蘭谷搶掠，射歿叅將陳乾。如果花當不知，就

此言未可必行，責令自行處治爲妥。

令花當將把兒孫捉拏解京，或令自行處治償命。姑

赦其罪。如或通同故縱不問。再來犯邊。朝廷必要  
興師問罪。將京營并通州薊州天津保定等衛精健  
步軍選調三萬。各執短兵火器。分路進入。犁庭掃穴。  
再調遼東精兵二萬。攻其左。宣府精兵二萬。攻其右。  
汝失故巢。進退無門。追悔無及。通將責問過口詞。會  
本具奏。再行議處。臣等愚見如此。

為邊情參處通事 邊情

看得三衛夷情。變詐反覆。疑是彼處通事誘引欺誑。  
正欲究察其弊。今御史張鰲山舉奏通事程理等交

各邊小道車軍以我情檢所與以爲能。以之計

通指引，侵犯邊疆情跡，皆有指實具見，本官能發隱伏之奸，足以泄邊人之憤，及奏要選差，謹飭老成通事前去，著爲定例。一年一換，通行各邊體訪查究。一體問革一節，尤爲有理。合無本部移咨都察院轉行御史張鰲山，將通事程理、聶勇交通誘引情弊提問明白，密切實封奏請定奪。本部行移禮部，令鴻臚寺署正大通事舍誠等，選委平日行止端莊，諳曉韃靼夷語通事二員，應付廩給脚力前去喜峯等關口聽用。近奉 勅旨，責問花當等事情，就着新差去通事。

同委官責問奏報其通事一年滿日另行更替仍通

幾情意未洽不致生弊端

行各邊巡按御史將原設通事體訪查究如有前弊一體問革正德十年六月初十日具題得旨俱依擬行

為緊急邊情事 邊情

看得朶顏衛頭目花當等恃其詐力敢肆侵凌外示效順中懷悖逆陰與通事程理等交結私通窺瞰薊州一鎮將官懦弱邊備廢弛遂敢捏造結親北虜之言以逞要求無厭之計一面進貢一面犯邊自去年

以來、侵犯邊境、殺虜人民數十餘次、因朝廷寬容

不問、以致黠虜之奸狀、蒙蔽不露、勢日猖獗、議者不

思北虜小王子瓦剌等部落、世爲中國邊患、去年深

入、崞代、今年屢犯延寧、固不假朶顏等衛夷人和親

而後敢犯中國、亦不必自薊州一帶邊關進入、而後

可以內侵也、薊州一帶、東西二路、見有食糧官軍四

萬二千員名、本處將官若能嚴加督率、撫恤簡練、俾

紀律嚴明、烽堠謹飭、相機隨宜、運籌畫策、或設險拒

守、或會合策應、雖不能大挫賊人之鋒、亦豈至喪失

我軍之氣，乃計不出此方議添兵增戍，臨渴掘井，卒難施行。今花當男把兒孫等殺死叅將陳乾，罪惡既已顯著，見今擁衆分路侵犯，飛報屢聞，臣等先議待報發兵征剿，荷蒙 聖明特命都指揮桂勇統領人馬操候，近該提督侍郎陳玉，并鎮巡等官俱奏要調兵防禦，兵科都給事中等官安金等亦奏要本部速爲議處發兵，巡關御史張鰲山極言夷虜侵侮之患，當以攻討爲急，臣等竊聞自古制禦夷狄之道，固不可貪功以啓釁，亦不可怯懦以求和，况今花當部落

糾合犬羊之衆。分路內侵。而本鎮將領非人。軍不用命。萬一邊關失守。乘勝突入。禍機之發。旦夕難測。臣等採集群言。度量事勢。當此之時。命將出師。聲罪致討。勢不容已。但兵戎重務。臣等未敢擅便。伏乞聖明裁處。

爲防守邊關事

邊關  
防守

查得奏內都御史李瓚要將李琮所統官軍三千。盡數分派一十二處關口防守。未審李琮令其統領何口官軍爲是。况鎮巡等官。未曾與李琮會議。停當。徑



自分派以致李琮有詞蓋分據要害固是守臣之意

截殺若盡分析各口則勢弱不能抗禦矣

而分兵勢弱又是遊擊之責况薊州一帶邊關隘口

甚多虜賊衆寡及所入道路俱難逆料必須謀筭預

定指授明白以堅壁固守責之主兵以相機截殺付

分間

之遊擊庶幾奇正相生機變不失苟昧變通之宜執

一偏之見萬一失守戰亦無施合無本部行文薊州

鎮巡官及遊擊將軍李琮各要遵奉勅旨凡事必

須會同計議停當方許施行不可各執己見致有誤

事其李琮所統遊兵三千俱係有馬若果零碎分撥

每口二百三百專一防守。委有未宜。合依李琮所擬將所統兵馬。於三路叅將地方。每路委都指揮一員。管領官軍五百員名。與同彼處叅將人馬會合。隨宜緊要關口防守。併力截殺。其餘官軍一千五百員名。聽李琮統領於遵化等處隨便駐劄。相機行事。若遇虜賊勢衆。一路擁入。亦聽李琮將原領官軍三千通調一處併力衝殺。本處官軍亦要火速會合策應。不許自分彼此。逗遛畏縮。致誤軍機。其各關口原設守把官軍。如果數少不敷。別無縱放歇役情弊。巡撫都

御史就便查照舊例徵調腹裏操守軍舍餘丁并附  
兼望之兵不須備覈但下不結  
近州縣民兵委官管領暫行赴口協力防守事寧即  
人而已  
便放回不許指以不准分布遊兵爲繇推託誤事。

得旨防守事宜都依擬行

爲復召募以實軍伍事

召募

看得提督東西兩路邊關都御史彭澤奏據分守叅  
將馬永呈稱先年召募軍士操守地方不期去任萬  
郎中吝惜小費革退六千餘名要行照舊查收及稱  
准巡撫都御史李瓚手本三路該添兵三千名本處

召募不必徵調遼東京營人馬查得近該戶部會同  
本部議奏爲因巡撫都御史王倬與管糧郎中萬斛  
會本具奏指揮康臣等擅自召募新軍名雖撥在關  
營實則不曾守把以此奏行巡按巡關御史覆勘明  
白內止革退老疾等項四百六十二名其餘四千三  
百餘名俱照舊存留今參將馬永妾呈不實且敢指  
斥郎中萬斛吝惜小費若果依馬永所言通召新軍  
九千通計一年該用糧十萬八千石布花在外不知  
知兵六千歲費之數如此  
馬永分派何州縣起運尚以爲小費不惜而何費爲

大可惜乎。及查調取遼東官軍，先因李瓚具奏調取後發京營官軍三千，令都指揮李琮統領前去薊州防守，亦因彼處失事，不能支持，不得已調發。今若又依李瓚之議，不必調遼東及京營軍，不惟京營官軍見今聲息未寧，難便掣回，抑且新召軍士，臨渴掘井，不能濟事。所據馬永等識見，俱有窒礙，難以准行。臣等再議得自古開邊增戍，坐困中國，若忽內治而專事夷狄，未有不貽患者也。我朝設置邊鎮，屯聚軍馬，東起遼陽，西盡燉煌，延袤萬里，帶甲數十萬，歲用糧

餉以數百萬計。爲因水旱蠲免。徃徃不繼告乏。如薊

此係正德年間歲用之數

州一鎮歲用糧四十餘萬計。其歲入尚少八萬餘石。

減折銀兩放支。軍多缺食。以此添兵一事。決有難行。

若使巡撫總兵等官。撫恤有方。調度有法。平時慎固

○用兵無常。存心處心亦無常。當以緩急抽撥。雖復

封守有事。暫調別軍策應。事畢罷歸。不立新法以困

不妄。不足濟事耳

百姓。不執私見。以亂成規。惟務內修外攘。自可長治

久安。合無本部行文都御史彭澤提督先差都指揮

等官李琮。傳凱。張椿。張安。馬忠。福英等。續差金輔。陳

珣等。先後共調發京營官軍一萬四千餘員名。各照

原擬用心防守。遇有報到賊勢衆大。應該添軍。依律火速具奏。本部議擬。奏請再行督發官軍。應援若果宣大地方報賊遠遁。事已寧息。亦便具奏班師。以省供給東西二路。一應關隘。俱照舊施行。不必創議新法。貽惠小民。

遼東類

遼東

虞舜以冀青地廣。始分冀州東北

醫無閭之地爲幽州。又分青州東北遼東等處爲營州。國朝自山海關以東置遼東鎮。周廻數千里。蓋兼古幽營之地而有之。設都司一衛。二十有

五州所各二以控制之其外諸夷各因其類設衛  
三百二十八所二十四各授以官職令每歲來朝  
以羈縻之每衛不過五人至於朝鮮遵奉正朔歲

入朝貢視前代獨爲恭謹內安外順固無足慮然

是時之盛及建州失可謂深謀早見

以海西建州女直諸夷徃徃桀驁難制成化以來

有此一二謀之皆不可依之據之故一事成則一二至紛紛之類決以

議當勦者恒以姑息縱賊爲害論當撫者又以貪

功啓釁爲非然其機繫於本兵必欲視順逆之勢

可爲深慮

得勦撫之宜而處之不差斯亦難矣嗚呼金起女

直據中國遼東邊備其可忽哉



爲計處夷情以靖地方事

東奴

看得遼東巡撫都御史張貫奏要會官計議行令彼等挑選各路兵馬分爲奇正哨掖整擻齊備督令各官統領分投一齊出境直至犯邊賊營若係長壯達賊盡行誅戮報官幼男婦女俘獲解京焚彼巢穴毀其委積振旅而還等因臣等議得禦夷之道撫剿二者不可偏廢撫剿之法順逆二者不可混施查得成化十四年建州海西夷人犯邊都御史陳鉞主於剿侍郎馬文升主於撫以剿爲是者病撫之不能息兵

以撫爲說者忌剿之。或啓邊釁卒之命將出師擣巢殺戮。雖威振殊俗。而至今藉口。思欲報讐。蓋繇撫剿

以此折衷。河朔撫二議。服然無惑矣。

之勢。有所偏執而不能審順逆之宜故也。今建州等賊叛服不常。乘機寇掠。節次侵犯。開原清河鹹場。陽等處。殺死官軍。殘害地方。照依成化年間事例。與師問罪。未爲不宜。但詳奏內建州左衛都督脫原保等說稱。孛速合金奴尚叟四等做了賊。我們勸化他不從。建州左衛都督尚哈說稱。有都督牙委哈的兒子金奴尚叟四。與左衛趙士四哈桑失哈四箇人商

量做賊，我們攔當他不住等情，顯是中間亦有歸化

效順之人。若便搗巢殺戮，未免玉石不分。成化十四

年，本部尚書余子俊等所議，以為寧成功於門庭之

間，勿遠致於敵人之境。來則擊之，使無遺類；去則置

之不必窮追等語，誠為至論。近日鞏陽等處節報賊

衆三千入境，斬首五十三顆。國威自振，虜自知畏

何必搗巢盡誅，然後快心。合無照依成化十四年事

例，不必會議。本部馬上齎文，交與遼東鎮巡官等督

令通事人等，於各夷近邊答話，及入市交易之時，宣

諭 朝廷恩威大意謂爾等世受 國恩每年進貢。

宴賞甚厚。今速長加等自作不靖。犯我邊境。 朝廷

欲照成化年間事例。整點人馬。搗爾巢穴。大加殺戮。

使爾種類無遺。事無難舉。但念中間必有歸化效順

之人。如都督脫原保等所說情詞。不忍一槩誅戮。今

後務須堅守臣節。敬順 朝廷。不許聽信奸夷誘引

一槩犯邊。各夷中間有能擒斬速長加等。曾經犯邊。

達賊者。鎮巡等官審實具奏。大加陞賞。以酬其功。決

不失信。將宣諭過緣繇回奏查考。其鎮巡等官務要

協謀計議。料度虜情。調集精兵。預謀戰守。夷人納款。進貢交易。照例施行。倘來犯邊。督兵剿殺。如近日靉陽舊古河之捷。陞賞自不吝惜。若賊勢敗散。料無伏兵。亦許乘勝追逐。出境剿殺。但不許搗巢窮追。妄殺無辜。或墮賊奸計。責有所歸。

宣府大同類

宣人

宣府南至居庸關不及二日

之程。北去虜地。近者僅百里許。故宣府守臣。奏報境外虜衆住牧。則京師亦當爲之備。正統己巳。虜騎直犯京師。繇內無備也。正德八九年間。虜營移

住威寧海子。在宣府大同之間。離邊不遠。嘗繇大白陽口入寇。宣府遊擊將軍倪鎮張勛禦之。敗死。又繇順聖川入寇蔚州等處。又過鴈門寇太原。本處官軍皆不能禦。遣威寧侯仇鉞都督白玉溫恭相繼出征。所統皆京營弱兵。調遣分布。不得機宜。今右都御史叢蘭總制宣府大同山西三鎮軍務。牽制太甚。二年之間。糜費鉅萬。未得機會與虜一戰。正德十年。虜衆西移。住牧河套。爲患陝西。十一年春。復過河東。住威寧海子。瓊得報。即奏請於團

營選將練兵。陰爲屯兵細柳之計。是年秋。虜賊又  
蹂大白陽口入寇。逼近居庸。時都督劉暉充總兵  
官。桂勇買鑑充左右叅將。俱在團營操練。聽征已  
半年。素已有備。又遼東精兵見調在薊州近京。至  
是報到三日之內。劉暉等即統兵出關。遼東兵外

兵行師遠方 能濟中

京營官軍出者不過六千。亦皆精銳可用。馬亦臚  
壯。旣出與宣府兵合。軍威大振。虜營西移。任大同  
境外。劉暉等亦襲而西。駐兵大同。虜忽起營北去。  
近邊哨無煙火。方議班師。虜乃蹂太同西。間道入

偏頭關寇鎮西。是時延綏勁兵驍將先已調山西。

三關內外按伏。遂得合兵一戰虜賊大遭剽劫。遁

自叙之言固當如此方爲得體

去。雖曰天意謂無人謀不可也。况自初出至班師。

首尾纔三月費亦不多。虜賊自鎮西一敗五六年

來不復敢近山西三關。豈非有所懲哉。正德十二

年虜營仍任威寧海子。本部預奏設備。視正德十

一年尤爲周密。大同鎮巡官哨探分布亦中機宜。

適車駕幸陽和。虜賊入應州。遼東兵已在陽和。

待奏方發稽遲。大同總兵官亦在陽和回遲。抗雄



等雖遇戰不獲大捷惜哉

爲預防虜患事

宣大虜患

議得宣大二鎮共有官軍一十四萬延寧二鎮又設有官軍七萬歲費糧儲數百萬計專爲防禦虜寇近年各鎮守臣因循怠忽不肯預先料度虜情運謀設策調度軍馬相機戰守以致虜賊深入得利而去大

若其不能不遇謹守故方而已

惟美用兵者能此機設謀

肆猖獗無所畏憚及至

朝廷命將出師彼賊已去

兵家主容勢進之計所爭者在此

留兵在邊等候爲因邊地廣濶彼賊出沒不常不得恰好相遇一戰以此勞費雖多不能成功即今若不

將本邊將士戒飭預爲隄備虜賊過河必來侵犯倉卒計處必蹈往轍緩不及事貽患非輕臣等愚見乞勅宣府大同鎮守總兵巡撫都御史會同計議今年河凍虜賊過河駐牧作何設法隄備可保無虞訪取熟知邊情地理之人密切審問先年虜賊進境搶掠出入道路應該調撥何城堡軍馬在何地方駐劄可以正當賊衝截殺取勝於何地方按伏可以邀其歸路追勦得功本鎮軍馬雖各散處城堡必須量數挑選精銳官軍記名聽候有警調取會合勦殺務在料

敵先知。籌無遺策。不可互相推倚。因循苟安。及似常  
○通○之○通○共○分調按伏。不當賊衝。虛應故事。以致虜賊深入搶掠。  
出入自繇。定照葉椿、姜彬、高友機等事例。拏問取回。  
降黜。必不輕貸。各將計議。過畏備虜賊事宜。明白具  
奏。不許含糊遲誤。正德十年九月二十八日具題。

爲軍務事

宣大  
軍務

看得鎮守宣府總兵官署都督僉事朱振等奏稱。前  
任總兵等官。止是分司分隊。立爲營分。聽候出戰。未  
曾精選。以致強弱相攙。今年遠賊壓境。搶殺官軍。迎

敵因而債事。要將團操前後營馬隊官軍揀選頭等者三千一百三十三員名。立爲前營。聽其統領。遇警當先出戰。次等者二千八十九員名。及無馬步隊官

善用兵者能分此誘過人實速

軍八百餘員名。并隨營兵車俱立爲後營。探報聲息緩急。繼後策應。仍每五人編爲一伍。互相救援。一人有功。四人同賞。一人有罪。四人同罰。果有畏避當先艱苦。實錄請託更改等項。究問重罪等因。本官鑒戒前失。欲圖後功。故會同巡撫將官軍挑選精弱。分別營伍。定立賞罰。具見用心軍務。選練有方。合無本部

轉行朱振、悉依所議施行。仍咨巡撫都御史劉達、并鎮守太監劉祥、務要與朱振協和計議、依擬施行。不可偏執已見、沮壞軍法、以致朱振不得展布行事、失誤軍機。臣等又議得宣府一鎮、食糧官軍數幾八萬。今主將所統不過三千、近日虜賊擁衆入寇、動至七八萬、寡不敵衆。遂至失事。又近年建議者、不知邊情。方欲添設城砦、以分兵力。又欲召募新兵、以困百姓。若不早爲救正、其弊不可勝言。及主將所統兵少、亦當早爲議處。合無本部通行宣府大同鎮巡官計議。

今後以守則不足以戰則有餘砦堡以分兵勢亦不深召募新軍以

見詳畧

致糧草不敷舊軍缺食逃竄仍查各城堡見在食糧官軍內除已選本鎮團操及奇遊兵外中間但係驍

勇精銳軍人可以調用殺賊者挑選見數編造文冊

或臨時徵調策應或量數取赴鎮城輪操務使總鎮

○是○則○可○以○擊○壓○

○總○鎮○方

城內常有精銳奇兵二萬以備征戰其餘城堡官軍不必數多遇賊勢小則追逐截殺若遇勢大則堅壁固守以待援兵前項事宜各官計議停當徑自施行應具奏者奏請定奪

爲聲息事

宜大聲息

看得大同巡撫都御史胡瓚等奏稱大同各路大勢賊營俱向東北去訖調到延綏叅將杭雄所部兵馬相應督發隨賊向徃防剿除行本官於五月二十六日就在大同鎮城啓行挨程前去宣府地方聽彼分布殺賊一節伏覩大明律軍政條內開事有警急及路程遙遠者並聽從便火速調撥軍馬乘機剿捕若寇賊滋蔓應合會捕者隣近衛所雖非所屬亦得調發策應并即申報本營上司轉達朝廷知會若

不即調遣會合，或不即申報上司，及隣近衛所，不即發兵策應者，竝與擅調發罪同。領兵官已承調遣，不依期進兵策應，若承差告報軍期而違限，因而失誤軍機者，並斬。其官軍臨陣先退，及圍困敵城而逃者，斬。欽此。仰惟我太祖高皇帝，掃除僭亂，用兵如神，故欽定律條。若遇事有警急，及寇賊滋蔓，雖非所屬得調發策應，若不即依期發兵策應，因而失誤軍機，亦皆處以斬罪。蓋用兵機會不可少遲，故遇有警許，徑自調發策應，即古人間以將軍制之之意。司兵

分○領○立○界○易○生○推○語○軍○機○呼○美○豈○能○一

一○知○會○故○立○此○法○若○今○捕○禦○流○寇○皆○如○此○何○至○往○來



設情以曉項爲察政爲將帥者。所當欽遵佩服。而不可違者也。近年添設總制官員。不論地理遠近。聲息緩急。悉聽明文到日方行。以致誤事。臣等節次申明律禁。荷蒙 聖明允納。上年延綏將官安國、杭雄等。雖奉提督等官明文調遣按伏。臨時寇至緊急。皆山西副總兵郭錦遊擊張綺等。就近徑自差人約會。及安國、杭雄等。當即依期赴援。所以不失機會。致有克捷。今大同鎮巡官料探虜賊。東行就令杭雄隨賊向往前去。宜府地方殺賊。誠爲得策。但恐杭雄因見未奉明文。難於遵守。

合無本部通行宣大鎮巡副參遊擊分守守備等官  
并延綏調來參將杭雄等遼東調來參將蕭滓等各  
查照原奉勅內并本部節次奏准事理欽遵行  
事仍遵太祖高皇帝欽定軍政律條哨探賊寇緊  
急火速調發策應其杭雄蕭滓等并本處副參遊擊  
等官不分宣大地方隨賊向往即便依期發兵策應  
若如去年偏頭關得功陞賞不吝如或自分彼此遲  
誤調發及已承調遣違期不至以致失誤軍機聽巡  
按御史查勘的實參奏依律治以重罪正德十二年

六月初八日具題 得旨都依擬行

爲走回人口傳報虜情分兵防禦事

宣大  
虜情

看得走回婦人張氏說稱達賊到六月二十五日要  
往白城兒深入搶掠等情切詳張氏所說虜情恐未  
必虛前項總兵官朱振等分布人馬似乎有理但臣  
等尤慮兵分勢弱恐失事機合無本部補馬差人齎  
文前去宣府交與都御史劉達總兵官朱振等作急  
會議密拘諳曉虜賊通年出入道路之人加意詢訪  
今次虜賊若來入寇必從何路進入可於何地按伏

兵馬可以衝遏賊鋒。及邀截歸路。就便從長計議。將各路人馬。聯絡一處。以便策應。若果入路甚多。難於料度。亦須自料近邊各城堡。何處城堡村落。廣有人畜。必來搶掠。何處城堡曠遠。野無所掠。雖來亦無所得。就於應該防禦之處。調集兵馬。協力防禦。大意虜賊既欲擁衆深入。必須擁衆以待。庶保無虞。中間分合進止。要在相機。隨宜亦不可拘執。本部原擬致有

乖違。仍令都御史劉達申明律禁傳示。見分布各路將官并管糧等官。今後但有報到軍情。敢有不即刻

期會合策應。及供給行糧料草。因而失誤軍機。輕則聽總兵官就彼區處。重則叅奏拏問。依律處斬本部一行團營整點官軍。催督都指揮趙承序等。上緊前去白羊等口防守。一行整飭薊州邊備都御史臧鳳等。提督紫荊等關都御史李瓚等。提督山西鴈門三關都御史李銑等。各親詣邊關。整捌人馬。隄備防守。紫荊關就將原選達官軍舍人等。調去防守。偏頭等關尤宜及早隄備。恐虜衆忽有聲東擊西之舉。再行提督團營內外官。挑選人馬。操練預備。遇有聲息緊

急以備調用。正德十二年六月二十二日具題。

爲預防虜患事

宣大  
虜患

議得明年黃河凍開，虜賊大營若在河東威寧海子等處住牧，仰賴皇上威武嚴督宣大將官整擻軍馬及調延綏奇遊兵馬相機戰守，虜賊入境必遭挫衄。但恐河開虜賊在套住牧，擁衆深入延綏寧夏陝西地方廣濶，兵馬分布不周，難爲戰守。查得今之黃河套，卽漢河南朔方之地，自古匈奴所居，爲患中國。我朝除以前年分不查外，弘治十四年套賊大舉

深入。命太監苗達保國公朱暉統領京營官軍勦殺。又命工部侍郎李鑑督理軍餉。弘治十八年。套賊大舉深入。正德十年。又大舉深入。預設總制都御史鄧璋調各路人馬防禦。其賊俱至固原平涼下營。分投搶殺。官軍寡弱。俱未能成功。正德十三年。套賊聞知固原有備。蘭鞏空虛。却從乾鹽池西入蘭鞏搶殺。今不及早議處。虜賊在套。陝西地方必又被害。合無齎文交與宣大山西延寧甘肅陝西各鎮巡官。差的當人役哨探查勘。黃河凍開之後。虜賊大營。若不在套。

在於河東威寧海子等處住牧宜大山西三鎮嚴謹

若使各鎮聯絡策應則地分而勢合矣

隄備延綏遊奇兵馬聽調策應若不過河在套住牧  
待候草長田茂勢將深入之時延綏遊奇等兵俱分  
布定邊安邊等營寧夏人馬俱分布花馬池等處通  
年虜衆經行之處遇虜侵入會合剿殺陝西鎮巡官  
預先計處除環慶固靖守備人馬及固原遊兵外再

處更詳

大意在備陝西四鎮故情盡

量調取腹裏衛所州縣堪用戰陣官軍士兵民壯編  
成隊伍委官管領處置盔甲馬匹并查照舊例預造  
戰車火器砲銃等項料虜必繇之路設伏隄備一遇



虜入出奇奮擊。或乘夜斫營。或截其歸路。俱相機行事。再行宣府大同甘肅各鎮巡官。各挑選精銳官軍三千員名。定委將官統領。俱約定五月以裏。到於固原。會合殺賊。戶部奏差堂上官一員。整理軍餉。本部另行議奏。差官處置馬匹。聽候兌軍。一應禦虜防邊。本部今擬不盡事宜。聽各該鎮巡官作急計議。具奏定奪。如此。庶謀有預定。事得先機。

山西類序

山西

今鴈門寧武偏頭三關在太原

北境密邇虜地者也。鴈門之東北爲雲中。即今大

同府 朝廷於大同屯兵。命將鎮守。固足爲太原之屏蔽。然虜自西北馬邑而入。則大同路遠。亦不能爲之援。正德九年。虜賊大舉過鴈門。深入崞代。逼近晉城。大同諸路兵。應援不及。虜賊得利而出。正德十一年春。邊臣奏報虜賊大營移過河東威寧海子住牧。山西亦報瞭見境外煙火五十餘里。於情年開亦多不疎宜大竟祀山石瓊竊料是歲秋必又入寇。乃預爲之備。旣申嚴宣。府大同之邊備。復奏令山西嚴設守備。又奏請遣將出師。差大臣督餉。又奏調延綏兵馬過河。於偏

頭關等處住劄。又奏留巡撫官不必改調。又奏提宣府失事總兵官下獄。分布旣已得宜。人心又知警懼。是年十月。虜賊大舉蹂偏頭關入寇。諸將合兵擊殺。遂有鎮西之捷。虜賊百餘年來入寇。始遭此挫。亦足以少伸中國之威矣。

爲急處邊務事

山西軍務

晉得提督三關都御史李鉞等。奏稱提督軍務右侍郎丁鳳等。將三關遊擊將軍張錡官軍調赴大同。聽調殺賊。今虜賊漸移向西倉卒乘虛突入鎮西。岢嵐

等處逼近省城。貽患非細。况三關兵馬不多。遊兵已調大同截殺。本關兵馬愈致單弱。乞要從長計議。調取延綏人馬一二枝。分布老營堡等處緊要地方。住劄。及將遊擊張綺仍回本關協同防守一節。切詳三關遊兵原奉 欽依。非有十分緊急。不得調動遠去。况近該提督軍務右侍郎丁鳳等節報賊營漸移向西。則三關委係急當預備去處。及查延綏人馬見已調來。但清水營止離偏頭關一日之程。中隔黃河。止延綏帶陝西屬鎮嵐山右相近故虜北山右則關有渡船四隻。倘遇有警。擺渡不及。不惟緩不及事。抑

延綏帶陝西屬鎮嵐山右相近故虜北山右則關



恐被虜邀擊其半。深爲不便。合無本部移咨侍郎丁鳳會同監督太監等官將張綺官軍發回本關防守。仍今延綏差來奏事人馬上齎文回交與王勛將原調人馬過河。在於偏頭關等處隨宜駐劄。相機截殺。事寧各照原擬施行。

爲告領馬匹事

馬匹

看得山西鎮巡等官都御史張禴等奏稱見在官軍一萬五千餘員名止有見在馬四千八百餘匹。奏要於太僕寺見在寄養馬內量撥四五千匹一節。查得

太僕寺見在寄養馬數少及查前項正德九年山西  
三關有給銀買馬事例合無本部於太僕寺收貯馬  
價銀兩動支三萬兩押運前去仍行巡撫都御史會  
同鎮守等官從長計議或選委能幹官員於出產地  
方收買或給與缺馬官軍自行收買務在處置得宜  
毋致虧官損軍所買馬匹務須經由兵備副使逐一  
驗看堪中轉送山西行太僕寺印烙給軍騎操如有  
高臺價值侵尅官價情弊依律究問不許分派州縣  
逼民包賂事完之日將買過馬匹毛齒給過官軍姓

水什檢單民方爲兩便

向買馬匹不致生

名并用過銀兩數目。備細造冊送部查考。及看得奏稱馬隊步隊官軍委難通融調撥一節。臣等議得邊關官軍殺賊。人人有馬。委的便於馳驟。但欲令軍自養。多無空地可牧。欲官爲支給。又無民草可供。所以往年召商買草。生弊百端。逼軍賠補。爲害滋甚。山西三關在大同之南。頗有山險。山險宜用步。不利用騎。亦古法也。據況古人防邊。多有以步戰取勝者。近年都御史孟春在宣府。列步陣以却虜。去年總兵官王勛在應州。督軍下馬步戰。始能固守營壘。不爲賊所蹂躪。若謂馬隊步隊難以通融。

調撥恐未喻本部建議之意亦未知本邊不習步戰之弊也合無再行都御史張禴等從長計議其欲傳報聲息或追逐勢小達賊去處多設馬軍於虜衆必蹂可以遏截阻到賊鋒去處多設步軍務使奇正相倚戰守並用以保萬全不必專恃馬力以求必勝其有馬官軍官立草場以便夏秋牧放預處草料以待冬春支給務使馬無倒斃不頻奏討期爲得策得旨俱依擬行